

吳文節公遺集

吳文節公遺集卷七十目錄

書後

書劉公傳後

祭文

祭卞竹辰文

祈晴祭神文

祈雨祭龍神文

祈雨祭龍神文

祈雨祭廬岳文

祈雨祭神文

山陰縣志卷之十一
祈雨祭龍神文

祈雨祭神文

祈雨祭城隍神文

銘

鼻煙櫟銘

贊

朱鏡湖妹壻獨立圖贊

吳文節公遺集卷七十

男養原謹編

書後

書劉公傳後

憶八九歲讀書家塾適客與師談劉青天事彼時竊聽而喜第漫不省爲何許人意是述古事耳稍長涉世事始知劉青天固與吾並世而生者欲一親接其警欬不可得久之聞公卒於家欲一詳其生平之始末復不可得頃公文孫夢藜太守出示蔣子瀟孝廉所爲公傳披讀一過乃慨然歎公誠古之人也豈並吾世而易見者

吳文節公遺集卷七十

哉子瀟文序次極精采而大要以公之爲名將本於公之爲循吏實卽本於公之能孝友也噫此可以得公之真矣敬書數語傳後以誌欽仰

祭文

祭卞竹辰文

嗚呼已矣吾終不獲見吾竹辰矣前月初旬有傳君噩耗者無病證無死期吾反覆理測毅然謂傳者之妄也而君之孤今且以訃至君其果決然以逝矣辛丑仲夏吾由閩赴

闕道出家鄉君奉諱里居得竟一夕談時君因楚臬任

內讞案呈吏議勢叵測君慨然謂緣此得遂初其將謀入山之計矣吾時漫應之而私億以君之才之年經世之志

天子嚮用之殷卽吏議不可知其必別有所假手以勞苦之而豈其能佚以老也是秋浙東夷氛肆虐

特旨命君以墨經領軍營糧臺事君感激奮勵事益棘而益思所以善措之因得咯血疾書來憂憤滿紙吾時所以慰勉之者甚至也而君之疾亦旋愈豈病原已於此而深耶去秋服甫闋

天子以浙藩需才卽以除君君書來益以瘡痍未復任

身之健否遺集卷十一
重事艱爲惴惴而吾之所以慰而勉之者有進焉而君
之疾亦未或作也有至自浙者詢君精神充贍鬚髮猶
黝黑可鑑吾固信君之可以大其施而未有艾也君今
年五十有六不爲天丈夫子二已能成立其設施於世
者已卓卓可傳然惟天所以生君之才之意似未止是
也

天子倚畀之重下及朋友期許屬望之意亦未止是也
卽君之體充而志壯必自料未止是也而君乃如是而
死是安可測其理耶今正月吾伯兄以喪子忙條無聊
吾亟約其來游洪都便道西湖相訪書以諭君君欣躍

謂已書愆吾伯兄之行且歸徑期作一月聚何意吾伯
兄方牽事未買權而君已不及待耶憶卅年前吾因吾
伯兄以得交於君嗣是居里中宦京師蓋無三日不相
見而所以交勉而互責者亦無一言一事之不盡自癸
巳冬君補外吾兩人蹤跡始睽而函書之相問訊者歲
無虛焉年來浙與豫章壤相接且軍興後事多交涉益
無月不以書相訊月或數書焉昨四月中旬吾以一書
抵君是書曾否得入君覽已不可知矣君最後一書吾
於五月八日得之計後君歿已四日矣詳君發書之日
距死不及月距病不及旬耳書中言事未甚多而夾注

卷十一
殤行其慮之周而處之預者猶吾體充志壯之竹辰也
理無可死而死是安可測也嗚呼君其有知耶其無知
耶其將入吾夢而示以其故耶抑使吾終窒於理念悠
悠者而潛然莫獲已耶嗚呼尙饗

祈晴祭神文

竊惟靈司真宰和甘符五十之期慶協滿盈險難著經
綸之象邀天庥之時若豈不由人事之克修某守土此
邦同民休戚當愆尤之叢集致暘雨之乖違匝月滂沱
麥穗垂而莫實連阡宕漾秧鍼茁而難分加以駭浪無
邊溼帆有阻六百艘待供

天庾數十日羈滯湖濱每一疚心莫名疾首然而神靈
有赫神罰宜分詎以譴責於一身竟廢仁慈於百族伏
願風伯旋節雨師韜旌雲族斂而還山雷部收而敢響
放羲暉之朗曜俾物類之暹滋如有咎殃惟某是畀無
任悚迫上冀昭歆

祈雨祭龍神文

惟神功司雲雨澤衍寰瀛兼佛教之慈悲荷

聖言之嘉讚靈明益著感應無方茲者匝月亢陽晚禾
插而欲萎畢星失好微澤灑而旋停刻切憂惶特申呼
籲以某職司守土宜膺殃咎於一身惟神性本好生豈

忍屯膏於百巢伏願滂興雲族迅馭雷車甘澤沛而盈
缶用占良苗蘇而滿車致慶無任屏營敬祈昭格

祈雨祭龍神文

維神馭之無不周兮曾不定以方隅知神惠之易徧兮
代天工而捷於須臾竭吾誠而未有應兮豈神聽之虛
無翳愆咎之集於藐躬兮忱斐斐其未孚情迫切而莫
訴兮惟神之默鑒此搶呼仰高穹之尊邈兮非草土臣
之意所敢輸賴神之上承而下育兮相左右而提扶神
之本慈教以秉德兮忍置此下民之慘吁豈緣守土之
不職兮遽遷怒而及此無辜雲膚寸而雨不崇朝兮行

潤槁而津枯曷靳茲一日之澤兮不以慰渴望之喁喁
儻更五日而不加憫兮百物其奚以昭蘇詞覩續而瀆
再三兮冀以達此區區知神之仁覆無量兮旋且大澤
之覃敷俟引領而曷有極兮庶幾惠施之涵濡

祈雨祭廬岳文

巍巍廬嶽作鎮一方出雲降雨恩普德洋維神司之榮
荷

封章溥福錫祉廣濟流慶廟祀有秩功施無疆歲丙午
夏雨澤愆常越四旬日暵苦亢陽種旣歉薄稼亦萎黃
惟某不職積咎召殃惟民何辜絕稂失杭惟天仁覆無

身文卷之八
不降康惟神代天沛澤洪湧津枯澤槁立起羸甦崇朝
之惠萬民之望爲民請命虔焚瓣香伏祈歆格無任屏
營

祈雨祭神文

雲行雨施惟神司焉雲或布濩而未徧雨或滲漉而未
優實皆神惠之慈悲而神力之斡旋也其未徧未優者
毋亦亢暘旣久而山澤之氣未遽宣也惟茲炎日灼良
苗而如焚匪苗之焚而百姓之心之焚惟茲嘆氣耗山
澤而欲竭匪澤之竭卽百姓之髓之竭所終恃者惟神
之憫吾民而厚加貺也伏乞大發慈悲徧茲槁壤渥沛

汪洶溥涵漭潏霖三日而允孚澤下尺而彌廣雖已枯
之禾不復生而待補之種可滋養也於盼神施慰此農
望

祈雨祭龍神文

嗚呼時過穀雨農待澤以方殷功溥興雲神垂援而最
捷昨逢丙夏邀神惠而倉庾未充茲及丁春俟神貺而
蒼黔益切念守官之不職災有由招惟神鑒之攸分罰
毋及眾伏乞宏施願力大發慈悲速敷三日之霖快慰
萬民之望立蘇枯槁繫神之求凡有咎殃惟某是界呼
籲上聞屏營曷極

祈雨祭神文

天無心而成化無所厚薄於吾民也絳風雲雷雨之神各有司必無所靳於吾民也陰陽和而雨澤降亦理之常也乃者自仲月逮今將夏雲時作以油油雷時震以殷殷風之或東或北亦非暴非恆理得雨而竟不得焉此必非羣神之或屯其膏而使吾民之不被其澤也疑必有邪沴害氣之壅格於其間致羣神之惠欲施而不終理有常而似悖也嗚呼惟神之靈久嘉惠乎梓桑仰神之威足廓清乎災祥伏願施調燮之功大感通之術俾協氣旁流而甘霖立沛庶時不失而歲有秋民之

福寶神之惠也至某守土乖方叩天無路集罰一身省
愆萬感情迫籲呼屏營待命謹告

祈雨祭城隍神文

竊惟夏行秋令禮倣沈陰狂日咎徵範占恆雨天人相
應影響斯通浙省入春以來於今半載晴無三日雨輒
經旬屢次虔祈未蒙昭假良由某等之不職敢云神聽
之不聰自省誓尤共深惕厲或政成嚴切無以迓天地
之和或習處積疲無以作吏民之肅或以催科限迫而
苛猛是傷或以刑獄偏頗而含冤未雪某等有罪當罹
凶殃民則何辜坐致飢溺用是率屬僚而齋宿乞大士

之慈悲旦晚誠求冀獲赦宥豈意淫霖滋甚積潦橫行
陸地幾可行舟低田遂爲巨浸早禾漂沒米貴如珠百
堵傾頽露居無屋千萬人待援之命數十年未覩之災
束手躊躇焦思積日此所以當食而不能下咽當寢而
不能交睫者也惟神德依正直福佑烝黎澤偕浙水長
流功與吳山並峙捍災禦患理宜無間於幽明拯溺救
焚勢不可遲之頃刻敢勞神駕卽日啓行念某等呼籲
無靈代某等潔誠上達爲民請命求牧與芻本非出位
之思諒亦明神所許請先詣宗陽宮昊天上帝之前次
詣海會寺普門大士之前某等步行以從同申禱祝儻

得仰叨聖力上沐天休義馭扶輪豐隆返旆瞻依化日
共樂舒長披拂薰風咸歌解阜庶冀補遲以速尙可轉
歉爲豐自茲黍稷稻粱悉由神賜當具牲牢酒醴先報
神功若乃有感未通謂彼蒼之難問雖求不中嗟保赤
之無方神亦何顏歆此廟食惟有攀留神駕暫從出次
之文亦當隨侍神前敢有卽安之想迫切情辭不無慙
激嗚呼尊神其鑒之嗚呼尊神其惠之敢告

銘

鼻煙櫟銘

一指之豎醍醐之注

贊

朱鏡湖妹壻獨立圖贊

蒼然而修者何髯之倏耶粲然而怡者其神之穆耶默然而若有所喻者世味之熟復耶儼然不改乎此度者其吾鏡湖之真面目耶

吳文節公遺集卷七十一目錄

詩

春草四首和友人韻

花朝後六日同人聚飲郊外太醉歸後率成二律

梨花八首

冬日偕程笏庵

紳

朱鐵珊

桂生

兩茂才徐述菴大

魁姊丈暨家兄游鐵佛寺遂經古木蘭院尋籠紗

遺蹟翼日笏庵袖詩見示依韻奉答

游鐵佛寺

古木蘭院

歲暮偕同人飲於朱鐵珊小天香仙館用范雨村韻

渡黃河

題鍾馗撫琴圖

偕同人游法源寺

江上晚泊

題金子春唯華筆山吟屋圖

題王第花林杏瀟湘歸棹圖

題第花杏花書屋圖

次韻

秋蜨

秋蚓

秋蟬

秋螢

次子春七夕韻

打稻

刈葵

秋霽

秋筵

醉月

塔影

題黃芳谷

至棠

黃鶴延秋圖

次葛鏡江先生韻送洪春衡先生返邗上

德化道中

雨中過建昌

水碓謠

吳文節公遺集卷七十一

男養原謹編

詩

春草四首和友人韻

料峭春寒二月稀
春泥蘇後草初肥
燒痕前度迷鴻跡
晴翠今番撲燕飛
昨夜偶經酥雨潤
長隄先覺暖風歸
江南舊是蘼蕪地
一徑深深待啟扉

鶯花三月憶揚州
踏徧芳郊秀色柔
沈醉蜻蜓常歷亂
低飛蝴蝶愛勾留
幾家池館迷殘夢
一幅雲煙倚畫樓
最是離離原上望
頻年容易惹新愁

高低遠映綠楊枝剛值飛花作絮時燒徧紙錢寒食路
澆來杯酒社公祠青帘遠市迷三徑金勒歸鞭掠一絲
忙煞羣兒相鬪處蒙茸萬種漫猜疑

遠侵袍色伴閒身種作花看惜好辰逗破簾波常繞砌
盤開馬跡擬尋春慣牽哀怨縈騷客又惹離懷觸恨人
祇是翠濃聊可拾芒屨踏向陌頭頻

花朝後六日同人聚飲郊外大醉歸後率成二律
刻侯已及仲華年偃蹇徒勞誇浪仙豪氣惟憑紅友助
壯心怕說白頭顛鬼神驚倒高歌會齷齪拋除濁酒邊
一座軒軒鸞鳳列祖生須要著先鞭

二分月色是間明窗外梅花老幹橫如此好春拚一醉
無多良友契三生漫從海內聯知己又向尊前訂夙盟
時鄰席有粵中沈六芳先生酒闌忽與座中光
樵程子相問訊乃知爲舊相識也因促席酣飲歸路昏
黃迷處所城頭暮鼓已聲聲

梨花八首

不作紅顏不染塵祇將清潔寫芳春者番位置東皇好
真色都應付白人

明月溶溶似舊時照從枝上欲生姿商量同夢真難事
除卻梅花未必宜

依稀帘影認春城一畝官亭亦水晶偏是穠妝偏愛洗

吳文公遺集卷七
洛陽兒女太憨生

春雲冉冉夢醒初
燕子歸來失舊廬
閉卻開門人寂寂
夜來風雨又何如

秋千簾外影寥寥
粉壁空明悟白描
怪底侍兒不曉事
忽言寒食是今朝

不禁消息又黃昏
風暖煙輕玉有痕
院落無人春寂寞
笛聲吹徹不開門

香輕粉淡絕塵氛
一幅邊鸞畫意云
不是仙人愛綈素
殘紅零落易紛紛

行經幾折路逶迤
滿樹晴雲護短籬
休怨杜鵑啼未已

要他一點洵胭脂

冬日偕程笏庵

紳朱鐵珊桂生

兩茂才徐述庵大

魁姊丈暨家兄游鐵佛寺遂經古木蘭院尋籠紗

遺蹟翼日笏庵袖詩見示依韻奉答

游鐵佛寺

落葉踏樵徑幽棲闢寺門禪心澄此地情話樂初噉萬
古劫灰積一龕老佛存英雄思往事陳蹟已塵昏

古木蘭院

頭白山僧尙力田宦成舊識已淩煙碧紗解護斯人迹
香積何慳昔日緣自古俗情多近鄙由來名士豈常遭

從今寄語知人者眞賞須憑未遇年

歲暮偕同人飲於朱鐵珊小天香仙館用范雨村

韻

樂數知心此數人杖頭爭買玉壺春屏帷小占人間福
何必袁安定說貧

莫將瑣屑誤匆匆瞥眼斜陽不復東三寸柔毫一饒吻
酒龍詩虎且爭雄

舉杯邀月對遙天回首光陰欲惘然畢竟年來何事就
消磨塵海路三千

大雪迷離風怒鳴驚心歲序又將更遣愁幸值新詩惠

快聽琅琅夏玉聲

渡黃河

一氣俯無極
泡泡萬里源
天爲界南北
地直走崑崙
沙迴雲容洹
風高浪力掀
澄清慚往哲
攬轡志空論

題鍾馗撫琴圖

百壺酒辭邪
御三尺劍許
拋除識得此
中鬼趣高山
流水相於

松風颯颯林
外號此老啖
鬼如啖螯既
飽歡娛無餘
事撫絃一曲
山月高

偕同人游法源寺

琳宮矗矗互雲開，曲徑春深絕點埃。
晴雪一天花正豔，靚妝幾樹錦新裁。
寺中白桃海棠極盛梵音飄渺沈鐘磬，
詩句摩娑剔蘚苔。
壁間有翁覃溪吳穀人羅兩峯諸先生詩刻石最愛老僧閒話永，晚風啜茗坐平臺。

江上晚泊

四圍蒼茫暮橫煙，別港斜通待機船。
岸近漸知帆影側，風恬猶裊榜聲圓。
山銜落日沈天外，波浸餘霞認鳥邊。
惟有白鷗閒已甚，中流泛泛意無前。

題金子春

昨華

筆山吟屋圖

匱匱四山裏，何處詩人屋。
天意爲表之一山，當戶矗山

頭筆穎森戶內筆椽束透頂詩才高破空吟思速管宜
翡翠裝架頗珊瑚蓄擲筆試凌虛五嶽搖坤軸此筆君
自持此山勢如伏借以顏其廬圖以寄所屬珥筆侍
彤墀家山待展讀

題王第花

林杏

瀟湘歸棹圖

楚山楚水慣登臨來往頻年迹可尋前度墮鄉方判袂
舊游客館更題襟一身豈作依人計千里難寬負米心
他日片帆東下穩壓裝詩句待重吟

題第花杏花書屋圖

花影胭脂澆歌聲金石出游人莫輕來中有崔嵬室

豔奪尙書句裏館疑摩詰山阿恰合嘉名肇錫占來龍

首魏科

君名字皆因地取義

指顧長安飽看來媽紅壓帽曲江隈鄉園回首花應笑
一樣春風兩樣開

次韻

離緒纏絲易感秋絲絲翦欲倩并州詩工難繪無窮恨
心小偏容若許愁機錦迴環縈怨女慧珠圓澈比隋侯
思歸望遠情何極目斷長江一葉舟

羈懷慕爲寫新秋夢覺繁華第一州百樣蹉跎成左計
十年辛苦釀離愁已拚身屬司香尉何日槎通博望侯

鴻雁不來魚素杳五更心事上灘舟

秋蝶

依樣芳叢舞袖飄春風回首路迢迢痕尋前夢香難駐
影抱疎花瘦可描絢爛飽經狂態斂纖除積久綺懷銷
太常別有神仙侶終歲寬閒戲絳霄

秋蚓

土洞纔教溽暑收蜿蜒伸屈自家求裂痕荒落苔三徑
濡迹蒼涼草一邱冷信偶然縈雨腳清操端合沁泉流
晚來笛唱休嫌聒有客偷聲正倚樓

秋蟬

未是荒寒結古時蕭森庭樹已如斯露華咽許標孤潔
風葉牢能抱一枝塵蛻本宜清節凜聲沈都與靜緣期
劇憐殘暑斜陽裏斷續猶聞曳一絲

秋螢

流螢閃閃去仍回庭院新涼暮色催明月無痕簾逗出
西風有信扇兜來沾衣冷燄因人熱帖地餘輝藉草偎
好是讀書秋樹底一囊猶共客徘徊

次子春七夕韻

片帆西上水東流彈指光陰笑梗浮客思膏騰雲出岫
病懷悵桐葉驚秋新詩幸獲聆高唱良會何辭續短謳

棖觸中庭瓜果薦遙憐嬌女拜樓頭

打稻

齊擔稻把積縱橫耒板連村答有聲爭引雀喧都歷亂
歡騰人語不分明匙翻白雪炊猶待場擁黃雲壓欲平
急響最宜斜照裏纜車若爲寫和鳴

刈葵

園葵秋老淡黃堆帶露腰鐮刈穫纔名借綠蒲參物候
味分紫蓼貯羹材烹餘偏話幽民俗拔處猶思魯相才
漫道此心忘向日讓將隙地負暄來

秋霽

洗出寥天杳靄間清光懸日霽
闌顚燥回琴柱三分促
暑退羅衫一半慳新沐儘唏垂
禿柳晚妝爭試夕陽山
蒼然劇動尋秋興黃葉前溪數
往還

秋笳

伊涼一曲黯魂銷况復鳴笳透
沈寥十八清商催按拍
百重巖塞激迴颺吹開沙磧旋
鷹盼散入平蕪助馬驕
一例琵琶訴幽咽愁懷都覺鬢
蕭蕭

醉月

空明頓與醉鄉迎匝地新涼夜色
瑩雲氣漫教噓恹恍
花陰屢向舞縱橫阿誰雅興同
千里似此清尊足一生

大好學仙杯莫放舉頭已覺近蓬瀛

塔影

偶隨鈴語到精藍
幻影窺來妙諦諳
初地證明波乍澈
上乘指點月剛涵
觀空翻作凌空想
圓相都從活相參
八萬四千同一瞥
課虛聊復效和南

題黃芳谷

至棠

黃鶴延秋圖

江空樓矗壯且陡
縮入生綃倩子久
畫中幾輩寫詩人
叔度汪汪風雅首
登樓上挹騎鶴仙
遙向雲中爲拍手
浮邱結侶洪崖友
詩成百篇酒一斗
吟眸忽縱吟思深
睥睨塵寰皆下走
翩然已欲凌虛空
况復颯爽當秋風

蒲帆低曳天蒼茫雁行斜破煙冥濛秋色涵來波渺渺
秋稜瘦出山重重四圍貯入虛窗間一時得句恣豪雄
我來吹笛落梅裏披圖急欲相追從玉梯十丈拾級往
匹練一幅聲流洶對此鄙吝藉開拓雲夢八九吞諸胸
柔毫三寸一饒吻且隨詩虎與酒龍

次葛鏡江先生韻送洪春衢先生返刊上

記卸征帆話暑天涼飈倏變草芊眠十旬酬唱空摩壘
一榻因依恍對塵壽考每徵和氣益鬚眉都覺古風傳
那堪客裏翻爲餞棖觸鄉愁思眇緜

故人鄉國一官遷命駕相思喜欲顛山色笑迎旋旆客

江流穩擬泛槎仙
德星定合占三五
游草重添路幾千
愧我飢驅歸未得
又從閩嶠著吟鞭

德化道中

未窺廬岳面終日
傍山行峭壁背人立
流泉絕頂生淩
區田上下澗壅石
縱橫雲氣村墟外
風光若許清

雨中過建昌

荒城綠落女牆低
嶺路迴環徧紫泥

山土石皆赤

一雨喜添

平野潤菜花黃
豔麥苗齊

水碓謠

灘相薄石鑿鑿
白石鑿鑿水搏而躍

河之濬車麟麟有車麟麟實懸其輪

縱者軸橫者輻如往而復躡杵之足

足俯亦俯足仰亦仰智巧之工機心之長

吳文節公遺集卷七十二目錄

詩

朱大鐵珊別二年矣茲從宛陵郵示跣趺小像屬
題面目忽改膚革益充戲爲此篇

題王藝齋前輩夜燭治書圖

鄒鍾泉明府招同王藝齋蔣琴史兩前輩爲吹臺
之游兼訪宋明兩甌塔遺蹟

題蔣小琴月明華屋圖

題沈聽篁同年臺花吟圖

秋燈課讀圖爲程節母題

題消寒雅集圖

明金少參馬腦遺印歌爲其六世孫

望欣題

題蔣丹林前輩桐蔭課曾圖

丁酉武闡卽事

闡中次韻

河間懷古

東阿道上

謁孟廟步湯敦甫相國舊作韻

渡黃河

次徐州寄三弟京邸書

舒城縣龍山書院

桐城道中次果瑤峰相國將至舒城和錢文敏公

山行元韻

山行絕句

皖江公寓作

敦甫相國見示除夕道中疊和前韻之作依韻和
答

曉發青陽

烏敬齋中丞招游西湖用東坡臘日游孤山詩韻
西湖之勝一日不能竟也游屐所至惟韜光冷泉

爲最各系一詩以誌之

韜光寺

冷泉亭

道出蘇州詢知月汀太守同年因公赴揚悵然有懷

道出蘇州敦甫相國以紀游詩二首書便面見惠次韻奉和

師子林

拙政園

吳文節公遺集卷七十二

男養原謹編

詩

朱大鐵珊別二年矣茲從宛陵郵示跣趺小像屬
題面目忽改膚革益充戲爲此篇

仁義戰未勝枯瘠病瞋眩觀空遁之禪瞿曇苦黃面中
無所得徒形求儒臞佛縛均爲困先生大笑謂無難入
解六通持定見芻豢義理貌頗豐體以心胖若操券作
詩不受飯顚嘲益帶將毋三副變慈悲俗子太虛孱游
戲現身託毫絹禪談文字匪支離戒受宣尼豈厭倦周

妻何肉了無違文人慧業從來擅彼法我法並懸解幻
君真面知君健充然身敵金剛堅咀味道腴經百鍊卽
今結夏且豪吟權向蠟人或更羨

題王藝齋前輩夜燭治書圖

花光四面春如海草長訟庭青每每夜游秉燭夫何爲
放達或爲古人給先生治獄猶治經一燈照澈光晶熒
筆底春風噓欲滿閒階花月空冥冥山斗吾鄉舊聲聞
文章後進資師訓承明視草燈屢挑烏府封章夜頻問
巖疆

特簡繡衣臣六載淮西政最醇桴鼓不聞教更始賣刀

買犢歡黎民已移悍俗返淳質猶手爰書重矜恤側聞
官漏夜沈沈更爲蒼生畫仁術尺幅辛劬蹟可尋爲傳
公貌兼公心公之此心總春氣著花五色同甘霖循陔
妙寫兩公子絕世翩翩少倫比高門駟馬此其券匪獨
傳經夜燈倚

鄒鍾泉明府招同王藝齋蔣琴史兩前輩爲吹臺
之游兼訪宋明兩輒塔遺蹟

塵事苦刺促願言豁游目處瓊笑醺雞有如物潛伏賢
宰鳴琴餘招邀恣遐矚春意正濃陰煙柳溼未綠一覽
俯郊垌煩襟若爲漉情話樂桑梓

同游四人
皆同鄉

至味飫筭

救心遠緣地偏懷古思穆穆明德首禹功繼治羣祗肅

臺中央爲大禹廟右偏祀歷代治河功臣立言逮詩人有唐屹鼎足何李雄

勝朝亦用薦秋菊左偏祀唐李杜高三賢明時以李空

子業爲六賢今鍾泉新其祠仍嗟哉禪悅流徒爲事祈

三賢初額而以諸君子附祀焉祝鏤刻徧瓴甕丹黝極土木雲表塔空存露處佛心愿

興廢閱幾時刹那何太速可知不朽業實爭踐貴篤政

成羨諸君上繼古人躅或賡述職篇藝齋時將以政滿入覲鍾泉亦以

獲鄰盜將送或賦循陔曲琴史時已告賤子識拘墟忝

部引見竊愧樂育蹤跡幸合并如風被清淑芳潤及花時雅游

期更續

題蔣小琴月明華屋圖

數弓闢地竟猶難妙藉丹青繪素紈邱壑自然胸次富
樓臺都付等閒看結鄰祇合頻邀月覓句何須更倚闌
解識杜陵詩界闊萬間廣廈庇原安

題沈聽篁同年花吟圖

寒窗蕭索粟生膚朔風力勁冰稜麤唐花雜蒔課盆盎
生意偃蹇僵難扶奇觀突兀到眼底紛紛紅紫羅橫圖
春蘭秋菊各爭媚老梅冷豔騎紅芙屠蘇時正華筵鋪
酒香拂拂花香濡非關頃刻幻仙術指點香國東南隅
我聞三山縹緲峙海上瓊枝玉蕊無榮枯仙靈窟宅當

身才集公遺集卷七十一
爾爾人迹罕到空追摹臺澎咫尺障八閩耕桑有若郊
聯郭異事乃復驚未有得氣地信殊方殊想君健筆發
高唱淋漓元氣窮天樞豈惟圖經補遺軼足使寒谷增
歡娛急思擊節一快讀如癢在背蟄待蘇溪藤擣梁儻
見乞張之斗室日日春風俱

秋燈課讀圖爲程節母題

節母子必賢報施實天道豈惟理有常良緣戒及早吾
友新安程卓犖矢襟抱戰藝捷詞場操翰富文藻粉署
人爲郎雲鶴姿矯矯板輿奉母來

君羹遺蠶薨至樂詠循陔含辛記脫襦孤露愴生初額

髮覆如葆老屋掩蓬蒿秋風穉紛埽一燈夜熒熒機聲
月淒皓呼兒發楹書插架恣搜討兒母舊業荒母匪祿
養禱和淚丸熊丸味苦咀愈好卽今服官政永言慈訓
保屬緒見施行一經信足寶寫圖誌勿忘春暉暄寸草

題消寒雅集圖

素心樂晨夕况乃里居同葆此歲寒意相醺人海中壺
觴宜近局風味耐冬烘歸騎忘宵永更籌每易終
借地園林擅招尋迹屢過曲房延月近老樹得春多燭
翦西窗燄尊浮北海螺坐餘情話洽斫地漫高歌
饑吻老饕強深杯大戶張技方誇彥道謔或效鄱陽脫

東坡全集卷之二十一
畧形俱化縱橫論孰當醉鄉無苦隘應許醒而狂予及曉村
椒雲勸盃
皆不能飲

問訊連番雪關心宿麥肥九衢悲雁集時畿輔流民多就賑輦下

三匝憶烏飛世事頻增感鄉心與素違所期各努力陽
煦倏春暉

明金少參馬腦遺印歌爲其六世孫望欣題

公之勲史書揭公之惠崇祠兀公之遺印市肆得如石
斯介如玉斯潔吁嗟乎石有時而泐兮玉有時而缺惟
茲印載公之靈兮不可得而磨滅振振繩繩永貽厥

題蔣丹林前輩桐蔭課會圖

耆舊中朝望

君恩許乞身婆娑餘老福游釣憶初辰鄉夢憐宵永驚
濤苦歲頻深心寄圖畫花柳近回春

懸車仍

閣下衆志慰循陔接翼巍科掇傳經世澤培靈光尊魯
殿多士頌燕臺

先生近主金臺書院講席

更喜金鰲隊含飴看釣來

丁酉武闈卽事

多士程材地頻年四度來叨承

龍綽重博選免冒才文字參餘事錙銖慎別裁汾陽疇
繼軌甄綜幾徘徊

闌中次韻

晴窗風日雁初回
滋味煎茶細領來
鎖院靜餘無事坐
翹關暗數不羣材
詩高白雪聲難繼
花壓嚴霜筆許催
叨共聯吟資韻事
頭廳接武愧非才

河間懷古

茫茫禹迹不堪尋
湍急南遷勢莫禁
名溯九河空想像
地臨千乘久消沈
須知衝決多非舊
孰謂隄防可弛今
泥古漫言無事事
渾流聞說近江潯

漢家經術盛西京
想見賢王嗜古情
當代尙餘黃老習
殘編獨契典謨精
一時煨燼留眞賞
五壘蕭森憶故城

况是翹材別開館憑將文學助休明

巍然遺宅說毛公義闡風人傳注工齊魯三家韓僅見
江河萬古鄭同功序言默契先賢後指授偏宜一姓中
渤海至今絃誦地合從初祖緬餘風

東阿道上

殘雪四山映清溪一帶橫飢盤鴉陣遠寒逼馬頭生路
折行仍坦峯低鬱未平瓊才關孕毓跂想爲心傾

謂周徵修

曹帥

謁孟廟步湯敦甫相國舊作韻

上溯危微道法存肩承統接見知尊起閑先聖功無貸

矢願平生學有源百世師高清任上七篇書繼贊修論
廟楹瞻拜心先肅手植還欽古檜根

人道幾希判去存敢令異學妄稱尊執中猶苦無權用
就下恆期淪性源鳩未懷音庸屑教豚如勿放復奚論
儻嫌好辯安緘默孰悟淫邪總不根

渡黃河

敲冰河上北風涼落日中流淡不黃故道久經吞汴泗
衝流終待濟舟航已看千里窮淮甸且喜羣山揖楚疆
惆悵羽衣吹笛客黃樓十丈俯蒼茫

次徐州寄三弟京邸書

逍遙堂古想吟情翦燭愁心觸緒生數語爲通南北訊
依然風雨感彭城

舒城縣龍山書院

幾折迴廊縈曲曲一窠修竹寫娟娟綠階苔蘚稀人迹
合向閒中課誦絃

桐城道中次果瑤峯相國將至舒城和錢文敏公
山行元韻

閒置肩輿中三日無所覲爽氣凌今晨龍山挹左右巖
冬有春意一一蛾綠皺橫側具有情氣往勢如復單椒
孤鶴鶩曼嘯怒猊鬬古寺出危峰異境儼靈鷲澗轉松

濤喧泉激竹鞭瘦幾稜開梯田去膚抉石腴旁魄了無
傷烟嵐活雨後飽看忘郵籤幾經雙隻喉緬昔此才藪
鍾毓今多又閭閻挺

邦英雄長擅文囿盛業各有原山靈與同壽蹇語愧我
詩無能奪山秀

山行絕句

我行及山腰前人在山足忽失前行人徑入前山腹

皖江公寓作

凍雲韜日半陰晴啟晚鵲懷觸緒生繞郭長江蒸雨氣
倚山鄰寺遞鐘聲心旌苦爲窮道訟

速要證久不
致稽定讞肺石

何緣悉幻情失喜眼前春信逗瓶梅紅放一枝輕

敦甫相國見示除夕道中疊和前韻之作依韻和
答

山色空濛雨勝晴松篁高處溼雲生溝塍脈動芳春信
村社人多樂歲聲且酌屠蘇欽主誼忽聆郢曲重詩情
鴈梭回首衣冠肅縹緲爐烟拂袖輕

曉發青陽

雨勢止還作晨光向遠分怒喧雙澗水濃裏四山雲節
物驚初換春農課欲勤江鄉膏澤渥殘溜稻畦聞

烏敬齋中丞招游西湖用東坡臘日游孤山詩韻

四圍山百頃湖世間山水勝此無計程吾鄉不十日游
蹤負負頻年呼今茲歸欲詫妻孥公餘遘會成怡娛聯
襪凌晨出西郭沿緣塔影忘途紆招提取次窮精廬經
幢梵剎鄰非孤留連舟子櫂榜待更啜米汁參伊蒲鎖
鑰城頭巖百夫望湖樓外日已哺探梅未及處士宅似
留後約他時圖迷離烟月六橋餘櫓聲搖夢歸蘧蘧作
詩紀游償夙逋清景厯厯差堪摹

西湖之勝一日不能竟也游屐所至惟韜光冷泉
爲最各系一詩以誌之

韜光寺

盤紆循石磴萬竹裏蕭森山徑不知負寺門藏更深湖
嵌峯一隙泉遞笕千尋滄海思窮覽披圖豁遠襟寺僧出示
瑛夢禪相國所作
韜光觀海圖卷

冷泉亭

泉乳融何處方塘一鑑開冷應浣凡慮淨不受纖埃俯
檻窺魚樂涵空渡鳥回山靈還戀此飛駐左側峯來即飛
來
峯

道出蘇州詢知月汀太守同年因公赴揚悵然有
懷

數月吾鄉感勿諉卓然治行見根源依經神豈歆非類

恤緯人如被異恩

釐正名宦鄉賢之奉祀不合於經者嚴覈恤贊會之冒濫俾待補者不致

向隅其碑記及刊訂條例等均會寄示小試已收儒術效大才兼及法家

言

君官比部時精析律義久爲同人推重然特其餘事耳

萍蹤惆悵寒山寺五載

離踪待細論

道出蘇州敦甫相國以紀游詩二首書便面見惠

次韻奉和

師子林

匠巧移來畫裏山探奇卻合閉柴關憑將萬壑千巖趣
縮入空庭曲沼灣石妙玲瓏忘岫複徑迷咫尺阻雲還
羨他迂叟傳名蹟榮荷

宸章次第頒

高宗會數幸其地
有疊韻詩懸壁間

拙政園

近市資幽討園林足雅游題詩緬疇曩高會聚名流

初園

屬海甯查氏梅村祭
酒集中有詩詠之

亭外頻窺燕花前乍聽鳩登臨無

限意落日一凭樓